

MËSIMI 34

1. Çfarë u dha Perëndia izraelitëve nga maja e malit Sinai?
-Dhjetë urdhërimet.

2. Pse vetëm Perëndia duhet të jetë Perëndia ynë?
-Sepse ka vetëm një Perëndi.
-Sepse nuk ka Perëndi tjetër.

3. Pse s'duhet të bëjmë një imazh që ngjan me Perëndinë?
-Sepse Perëndia është Frymë.
-Sepse Perëndia nuk ngjan me asnjë njeri, kafshë apo zog.

4. Pse duhet ta respektojmë emrin e Perëndisë?
-Sepse emri i Perëndisë dhe Perëndia janë njëloj.
-Sepse emri i Perëndisë dhe Perëndia janë një.

5. Pse duhet të pushojmë një ditë në javë?
-Sepse Perëndia krijoi qiejtë edhe tokën në gjashtë ditë dhe pastaj pushoi në ditën e shtatë.

6. Pse duhet të respektojmë babain dhe nënën tonë?
-Sepse Perëndia na ka dhënë babain dhe nënën për të na rritur ne.

7. Sipas Perëndisë nëse ne e urrejmë një person, çfarë kemi bërë?
-Ne e kemi vrarë atë person.

8. Sipas Perëndisë nëse ne shikojmë një person tjetër dhe duam të flemë me të, çfarë kemi bërë?

-Ne kemi kryer tradhëti bashkëshortore me të.

9. Sipas Perëndisë nëse ne mendojmë të vjedhim gjërat që i takojnë dikujt tjetër, çfarë kemi bërë?

-Ne i kemi vjedhur ato.

10. Sipas Perëndisë, nëse e dimë të vërtetën, dhe nuk e themi atë, çfarë kemi bërë?

-Ne po gënjejmë.

11. Pse ne nuk duhet të duam atë që kanë njerëzit e tjerë?

-Sepse Perëndia Vetë ia ka dhënë atë gjë njerëzve të tjerë.

12. Nëse u bindemi të gjitha urdhërimeve të Perëndisë përveç njërit, çfarë thotë Perëndia?

-Perëndia thotë që është sikur ne nuk ujem bindur të gjitha urdhërimeve të Tij.

13. Cili është dënimi për thyerjen e urdhërimeve të Tij?

-Vdekje në Liqenin e Zjarrit të Përjetshëm.

14. Nga se ngjajnë urdhërimet e Perëndisë me një pasqyrë?

-Ato na tregojnë ne mëkatin tonë.

-Ato na ndihmojnë ne të shohim mëkatin tonë.

15. Pse i dha Perëndia urdhërimet e Tij?

-Për të treguar zemrat tona të pista dhe mëkatore.

16. Kush është i Vetmi që mund t'i pastrojë zemrat tona të pista dhe mëkatore?

-Perëndia.

-Perëndia u dha izraelitëve dhjetë urdhërimet e Tij.

-Ngaqë Perëndia nuk donte që izraelitët t'i harronin dhjetë urdhërimet e Tij, Perëndia i shkroi ato në dy pllaka guri.

-Perëndia thirri Moisiun të ngjitej lart në majë të malit Sinai për të marrë dy pllakat prej guri.

Le të lexojmë Eksodi 24:12

12-Pastaj ZOTI i tha Moisiut: "Ngjitu tek unë në mal dhe qëndro aty; dhe unë do të jap disa pllaka prej guri, ligjin dhe urdhërimet që kam shkruar, me qëllim që ti t'ua mësosh atyre".

-Moisiu iu bind Perëndisë dhe shkoi lart në malin Sinai.

-Një djalosh i ri me emrin Jozue e shoqëroi Moisiun.

Le të lexojmë Eksodi 24:13-15 & 18

13-Pas kësaj Moisiu u ngrit bashkë me Jozueun zbatuesin e tij; dhe Moisiu u ngjit në malin e Perëndisë.

14-Por pleqve u tha: "Na prisni këtu, deri sa të kthehemi tek ju. Ja, Aaroni dhe Huri janë me ju; kushdo që ka probleme le t'u drejtohet atyre".

15-Moisiu, pra, u ngjit në mal dhe reja e mbuloi përsëri

malin.

18-Kështu Moisiu hyri në mes të resë dhe u ngjit në mal; dhe Moisiu mbeti në mal dyzet ditë dhe dyzet net.

-Kur Moisiu arriti në majën e malit Sinai, Perëndia i dha dhjetë urdhërimet e Tij.

-Kur Perëndia i dha Moisiut dhjetë urdhërimet e Tij, Ai e urdhëroi gjithashtu që të ndërtonte diçka për Të.

-Perëndia e urdhëroi Moisiun të ndërtonte një tendë për Të.

Le të lexojmë Eksodi 25:8

8-[ZOTI i tha Moisiut] “Le të më bëjnë [izraelitët] një shenjtërore, që unë të banoj në mes tyre.

-Pse e urdhëroi Perëndia Moisiun të ndërtonte një tendë për Të?

-A ka nevojë Perëndia për një shtëpi që të jetojë në të?

-Jo.

-Pse nuk ka nevojë Perëndia për një shtëpi që të jetojë në të?

-Sepse Perëndia është Frymë.

-Sepse Perëndia është kudo në të gjithë kohën.

-Pse e urdhëroi Perëndia Moisiun të ndërtonte një tendë për Të?

-A e mban mend marrëveshjen që bëri Perëndia me izraelitët?

-Cila ishte marrëveshja që bëri Perëndia me izraelitët?

-Çfarë premtoi të bënte Perëndia, nëse izraelitët do t'u bindeshin të gjitha urdhërimeve të Tij?

-Nëse izraelitët do t'u bindeshin të gjitha urdhërimeve të Tij, Perëndia premtoi që do t'i bekonte ata.

-Çfarë premtoi të bënte Perëndia, nëse izraelitët nuk do t'u bindeshin të gjitha urdhërimeve të Tij?

-Nëse izraelitët nuk do t'u bindeshin të gjitha urdhërimeve të Tij, Perëndia premtoi që do t'i dënonte ata.

-A ishin në gjendje izraelitët t'u bindeshin të gjitha urdhërimeve të Perëndisë?

-Jo.

-A e dinte Perëndia që izraelitët nuk ishin në gjendje t'u bindeshin të gjitha urdhërimeve të Tij?

-Po.

-Cili është dënimi i Perëndisë nëse thyhet vetëm një nga urdhërimet e Tij.

-Vdekje në Liqenin e Zjarrit të Përjetshëm.

-Ja pse Perëndia e urdhëroi Moisiun për të bërë një tendë:

-Ngaqë Perëndia i donte izraelitët, Ai nuk donte që ata të vdisnin në Liqenin e Zjarrit të Përjetshëm.

-Për shkak se Perëndia nuk donte që izraelitët të vdisnin në Liqenin e Zjarrit të Përjetshëm, Perëndia siguroi një mënyrë shpëtimi për ta.

-Ja si është rruga e shpëtimit që siguroi Perëndia për izraelitët:

-Kur izraelitët mëkatonin dhe thyenin një nga urdhërimet e Perëndisë, izraelitët do të shkonin tek tenda dhe do të sillnin gjakun e kafshëve.

-Çfarë do të bënte Perëndia kur Ai do të shikonte gjakun e kafshëve?

-Kur Perëndia do të shikonte gjakun e kafshëve, Ai do e tërhiqte dënimin e izraelitëve derisa një pagesë më e mirë të bëhej për mëkatin.

-Si e donte Perëndia tendën që do të ndërtonin Moisiu me izraelitët?

Le të lexojmë Eksodi 25:9

9-[ZOTI i tha Moisiut gjithashtu se] “Ju do ta bëni atë sipas tërë asaj që unë do t'iu tregoj, si për modelin e tabernakullit ashtu edhe për modelin e të gjitha orendive”.

-Si donte Perëndia ta ndërtonin tendën Moisiu dhe izraelitët?

-Saktësisht sipas asaj që tha Perëndia.

-Si donte Perëndia ta ndërtonte Noeu varkën?

-Saktësisht sipas asaj që tha Perëndia.

-Ashtu si Perëndia urdhëroi Noeun ta ndërtonte varkën pikërisht ashtu siç i tha Perëndia, Perëndia gjithashtu urdhëroi Mosiun të ndërtonte një tendë pikërisht ashtu siç i tha Ai.

-Ne nuk mund t'i themi Perëndisë sesi do të shkojmë tek Ai.

-Ne duhet të vijmë te Perëndia në rrugën që na tregon Ai.

-Ne nuk mund të vijmë te Perëndia sipas rrugës sonë.

-Ne duhet të vijmë te Perëndia vetëm sipas rrugës së Perëndisë.

-Ku e mësojmë ne rrugën e Perëndisë?

-Në Librin e Perëndisë, Biblën.

-Me çfarë materialesh i urdhëroi Perëndia izraelitët ta ndërtonin tendën?

-Nga lëkurët e kafshëve dhe materiale të bëra me leshin e dhive.

-Pastaj, Perëndia urdhëroi Moisiun të bënte dy dhoma në

tendë.

-Dhoma e parë quhej Dhoma e Shenjtë.

-Ishte dhoma që ishte për Perëndinë.

-Vetëm pak njerëz ishin në gjendje të hynin në dhomën e parë.

-Dhoma e dytë quhej Dhoma Shumë e Shenjtë.

-Kjo dhomë ishte vetëm për Perëndinë.

-Vetëm një person ishte në gjendje të hynte në Dhomën Shumë të Shenjtë, vetëm një herë në vit.

-Kjo ndodhte sepse lavdia e Perëndisë do të ishte në këtë dhomë.

-Nëse izraelitët do e ndërtonin tendën pikërisht sipas mënyrës që Perëndia i tregoi Moisiut, atëherë lavdia e Perëndisë do të hynte në Dhomën Shumë të Shenjtë të tendës.

-Perëndia atëherë urdhëroi Mosiun të bënte një arkë të veçantë dhe ta vendoste në Dhomën Shumë të Shenjtë.

-Kjo arkë e veçantë quhej Arka e Besëlidhjes.

Le të lexojmë Eksodi 25:10-11

10-[ZOTI i tha Moisiut gjithashtu se] “[Izraelitët] Do të bëjnë, pra, një arkë prej druri të akacies, i gjatë dy kubitë e gjysmë, i gjërë një kubit e gjysmë dhe i lartë një kubit e gjysmë.

11-Do ta veshësh nga brenda dhe nga jashtë; me ar safi dhe sipër do t'i bësh një kurorë ari, që të sillet përçark”.

-Perëndia urdhëroi që Arka e Besëlidhjes duhej bërë nga druri i një peme të veçantë.

-Perëndia gjithashtu urdhëroi që Arka e Besëlidhjes duhej të vishej me ar.

-Perëndia gjithashtu urdhëroi që Arka e Besëlidhjes duhet të ishte dy kubitë e gjysmë e gjatë, një kubit e gjysmë e gjerë dhe një kubit e gjysmë e lartë.

-Pastaj, Perëndia urdhëroi Moisiun të bënte një pajtues për Arkën e Besëlidhjes.

Le të lexojmë Eksodi 25:17

17-[ZOTI i tha Moisiut gjithashtu se] “Do të bësh edhe një pajtues prej ari safi; gjatësia e tij do të jetë dy kubitë e gjysmë, dhe gjerësia e tij një kubit e gjysmë”.

-Perëndia urdhëroi Moisiun të bënte një pajtues për Arkën e Besëlidhjes me ar të pastër.

-Perëndia gjithashtu urdhëroi që pajtuesi duhej të jetë dy kubit e gjysëm i gjatë dhe një kubit e gjysëm i gjerë.

-Ky pajtues do të ishte vendi ku do të qëndronte lavdia e Perëndisë me izraelitët.

-Pastaj, Perëndia urdhëroi Moisiun të bënte dy engjëj prej ari si mbulesë.

Le të lexojmë Eksodi 25:18-20

18-[ZOTI i tha Moisiut gjithashtu se] “Do të bësh pastaj dy kerubinë prej ari; këta do të punohen me çekiç në të dy skajet e pajtuesit;

19-Bëje një kerubin në një nga skajet dhe një kerubin në skajin tjetër; kerubinët do t'i bëni prej një cope të vetme me pajtuesin në skajet e tij.

20-Dhe kerubinët do t'i kenë krahët e hapura me drejtim lart, në mënyrë që të mbulojnë pajtuesin me krahët e tyre; do të kenë drejtim nga njëri tjetri, ndërsa fytyrat e kerubinëve do të jenë të kthyer në drejtim të pajtuesit”.

-Perëndia urdhëroi Moisiun të bënte një engjëll të artë në një skaj të arkës dhe engjëllin tjetër prej ari në skajin tjetër.

-Perëndia urdhëroi që dy engjëjt duhet të kenë shikimin nga njëri-tjetri, me krahët e tyre të hapura duke mbuluar pajtuesin dhe me fytyrat e tyre duke shikuar poshtë.

-Atëherë, Perëndia e urdhëroi Moisiun ta vendoste pajtuesin lart mbi Arkën e Besëlidhjes.

Le të lexojmë Eksodi 25:21-22

21-[ZOTI i tha Moisiut gjithashtu se] Do ta vësh pastaj pajtuesin lart, mbi arkën; dhe në arkë do të futësh

Dëshminë që do të të jap.

22-Aty unë do të të takoj, nga lart, mbi pajtuesin, midis dy kerubinëve që janë mbi arkën e dëshmisë, do të të njoftoj tërë urdhërat që do të të jap për bijtë e Izraelit”.

-Perëndia urdhëroi Moisiun të vendoste dy pllakat me dhjetë urdhërimet e Tij brenda Arkës së Besëlidhjes.

-Lavdia e Perëndisë do të qëndronte me izraelitët mbi pajtuesin mes dy engjëjve.

-Perëndia gjithashtu urdhëroi Moisiun të varte një vel për të ndarë Dhomën Shumë të Shenjtë nga Dhoma e Shenjtë.

Le të lexojmë Eksodi 26:31 & 33

31-[ZOTI i tha Moisiut gjithashtu] “Do të bësh një vel me fije në ngjyrë vjollce, të purpurt, flakë të kuqe dhe me li të hollë dhe të përdredhur, të stolisur me kerubinë të punuar artistikisht,

33-Do ta varësh velin në kapëset; dhe aty, në anën e brendshme të velit, do të futësh arkën e dëshmisë; veli do t'ju shërbejë si ndarës midis vendit të shenjtë dhe vendit shumë të shenjtë”.

-Cili ishte kuptimi i velit që ndante Dhomën Shumë të Shenjtë nga Dhoma e Shenjtë?

-Veli do t'u kujtonte izraelitëve që ata ishin të ndarë nga Perëndia për shkak të mëkatit.

-Ashtu si veli ndante Dhomën Shumë të Shenjtë nga Dhoma e Shenjtë, mëkati ndan Perëndinë nga njerëzit.

-Kur veli u mbarua, Perëndia atëherë urdhëroi Moisiun të vendoste Arkën e Besëlidhjes në Dhomën Shumë të Shenjtë.

-Perëndia gjithashtu urdhëroi Moisiun të bënte një gardh rreth e qark tendës.

-Brenda gardhit dhe para tendës, Perëndia atëherë urdhëroi Moisiun të bënte një altar me dru të veshur me bronz.

Le të lexojmë Eksodi 27:1-2

1-[ZOTI i tha Moisiut gjithashtu se] "Do të bësh edhe një altar prej druri të akacies, i gjatë pesë kubitë dhe i gjerë pesë kubitë; altari do të jetë katror dhe do të ketë tre kubitë lartësi.

2-Në katër qoshet e tij do të bësh brinj, që do të formojnë një tërësi me të; dhe do ta veshësh atë me bronz".

-Kur një izraelit mëkatonte, Perëndia i urdhëronte ata që të sillnin një kafshë që të therej te altari i bronztë.

-Ja se çfarë u tha Perëndia izraelitëve për therjen e kafshës:

Le të lexojmë Levitiku 1:4

4-[ZOTI i tha Moisiut gjithashtu se] “Do të vërë pastaj dorën e tij mbi kokën e olokaustit, që do të pranohet në vend të tij, për të shlyer dënimin në vend të tij”.

-Perëndia urdhëroi izraelitët të vendosnin dorën e tyre në kokën e kafshës dhe pastaj ta thernin kafshën.

-Pse i urdhëroi Perëndia izraelitët të vendosnin dorën e tyre në kokën e kafshës që do ta thernin?

-Izraeliti do ta vendoste dorën e tij në kokën e kafshës për të pranuar para Perëndisë që ai kishte mëkatuar dhe duhet të vdiste, por që Perëndia të pranonte vdekjen e kafshës dhe jo vdekjen e tij.

-A ishte në gjendje gjaku i kafshëve të paguante për mëkatet e izraelitëve?

-Jo.

-Atëherë pse Perëndia po u kërkonte izraelitëve të thernin një kafshë për mëkatet e tyre?

-Perëndia po u mësonte izraelitëve që dënimi për mëkatin është vdekja.

-Çfarë do të bënte Perëndia kur Ai do të shikonte gjakun e kafshëve?

-Kur Perëndia do të shikonte gjakun e kafshëve, Ai do ta

tërhiqte dënimin për izraelitët derisa një pagesë më e mirë do të bëhej.

-Pastaj, Perëndia e urdhëroi Moisiun që ta bënte vëllanë e tij Aaronin kryepriфт.

-Perëndia e urdhëroi ,gjithashtu, Moisiun të bënte bijtë e Aaronit priftërinj.

Le të lexojmë Eksodi 28:1

1-[ZOTI i tha Moisiut gjithashtu] "Pastaj afro pranë vetes sate Aaronin, tët vëlla, dhe bijtë e tij së bashku me të, nga gjiri i bijve të Izraelit, që të më shërbejnë mua si priftërinj; e kam fjalën për Aaronin, Nadabin, Eleazarin dhe Ithamarin, bij të Aaronit.

-Perëndia i bëri Aaronin dhe bijtë e tij priftërinj.

-Por vetëm Aaroni, kryepriфтi, lejohej të hynte në Dhomën Shumë të Shenjtë.

-Aaroni lejohej të hynte në Dhomën Shumë të Shenjtë vetëm një herë në vit.

-Për shkak se Perëndia është i shenjtë dhe urren çdo mëkat, kryepriфтi mund të hynte në Dhomën Shumë të Shenjtë vetëm një herë në vit.

Le të lexojmë Levitiku 16:2

2-ZOTI i tha Moisiut: "Foli Aaronit, vëllait tënd, dhe thuaji të mos hyjë në çfarëdo kohe në shenjtërore, përtej perdes, përpara pajtuesit që ndodhet mbi arkë, që të mos vdesë, sepse unë do të shfaqem në renë mbi pajtuesin".

-Çfarë do të ndodhte nëse Aaroni do të hynte në Dhomën Shumë të Shenjtë sa herë të donte?

-Aaroni do të vdiste.

-Aaroni lejohej të hynte në Dhomën Shumë të Shenjtë vetëm një herë në vit në ditën që zgjidhte Perëndia.

-Kur vinte dita që kishte zgjedhur Perëndia për Aaronin të hynte në Dhomën Shumë të Shenjtë, çfarë e urdhëroi Perëndia Aaronin të merrte me vete?

Le të lexojmë Levitiku 16:14

14-[ZOTI i tha Moisiut gjithashtu] "Pastaj do të marrë ca gjak të demit të vogël dhe do ta spërkatë me gishtin e tij mbi pajtuesin nga ana lindore, do të spërkatë shtatë herë edhe pak gjak me gishtin e tij përpara pajtuesit".

-Perëndia e urdhëroi Aaronin të merrte gjakun e një kafshe në Dhomën Shumë të Shenjtë.

-Çfarë duhet të bënte Aaroni me gjakun e kafshës?

-Ai duhet ta spërkaste gjakun mbi pajtuesin e Arkës së Besëlidhjes.

-Për shkak se Perëndia është i shenjtë dhe urren të gjithë mëkatet, kryeprihti duhet ta çonte gjakun e kafshëve në Dhomën Shumë të Shenjtë dhe ta spërkaste gjakun mbi Arkën e Besëlidhjes.

-Nëse Aaroni do të bënte atë që tha Perëndia dhe spërkaste gjakun mbi Arkën e Besëlidhjes, atëherë çfarë do të bënte Perëndia?

-Perëndia do ta tërhiqte dënimin e Tij për mëkatet e izraelitëve edhe për një vit më shumë derisa do të bëhej një pagesë më e mirë për mëkatet.

-Ne nuk mund t'i themi Perëndisë sesi do të shkojmë te Ai.
-Ne duhet të vijmë te Perëndia në rrugën që Ai na tregon ne.

-Ne nuk mund të vijmë tek Perëndia sipas rrugës sonë.
-Ne duhet të vijmë tek Perëndia vetëm sipas rrugës së Perëndisë.